



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ბაზიერი

ბაზიერი, ბაზიარი (სპარს.), ქორ-შავარდენტა სანადიროდ დამგეშავ-მწვრთნელი და მეთვალყურე ფეოდალურ საქართველოში.

მას ევალეობდა აგრეთვე შავარდნის ბუდის დაცვა და საშავარდნო გადასახადის აკრეფის თვალყურის დევნება. ვახტანგ მეფის დასტურლამალის მიხედვით (კარი 59, პ. 193-195), იყვნენ ქორის, შავარდნისა და გავაზის ბ-ები. სამეფო კარის ბ. სანადირო უწყებას ეკუთვნოდა და ამ უწყების უფროსს – ბაზიერთუხუცესს ემორჩილებოდა. ბაზიერთუხუცესს ემორჩილებოდნენ აგრეთვე ტყის მცველები და სანადირო უწყების სხვა მოხელეები.

წყარო: ქართული სამართლის ძეგლები, ი. სურგულაძის გამოც., თბ., 1970.

მ. კეკელია
